

Gizarte Larrialditarako Laguntzaren diru laguntza erroaren indartzeko eskaera mozioa

Administrazio publikoek herritarren bizi kalitatea eta oinarrizko eskubideak bermatu behar dituzte. Hori horrela, bizitzeko oinarri oinarrizkoak diren zerbitzu eta eskubideak bideratu behar dizkie herritarrei eta hauek kalitatezkoak izan daitezen lan egin behar du. Modu horretan, hezkuntza zein osasuna bezala bizitza autonomo eta duin bat izateko eskubidea du herritar orok, Nazio Batuen Erakundearen bere 25. artikuluan dioen moduan:

Toda persona tiene derecho a un nivel de vida adecuado que le asegure, así como a su familia, la salud y el bienestar, y en especial la alimentación, el vestido, la vivienda, la asistencia médica y los servicios sociales necesarios; tiene asimismo derecho a los seguros en caso de desempleo, enfermedad, invalidez, viudez, vejez u otros casos de pérdida de sus medios de subsistencia por circunstancias independientes de su voluntad.

Oinarrizko eskubideen bizi kalitateak asetzen dituen administrazioak gizarte kohesionatu eta orekatua du, zeinaren bidez, herritarren arteko segurtasuna bermatzen laguntzen duen.

Egun, krisialdi ekonomikoaren testuinguru batetan egonda, inoiz baina garrantzitsuagoa da eskubide hauek bermatzeko administrazio publikoek lan egitea, langabeziaren igoerak gizarte kohesioa hausteko bidea irekitzen duelako eta honek, herritarren oinarrizko eskubideak ez bermatzea dakarrelako. Beharrak inoiz baina handiagoak izaki, administrazioek ahaleginak handitu behar dituzte eta horrekin batera haien diru ekarpenak ere bai.

Testuinguru honetan, 2008ko Gizarte Zerbitzuetako 12/2008 Legeak inoiz baina garrantzia handiagoa du. Bertan aurrez eskaintzen ziren zerbitzu asko oinarrizko eskubide izatera pasatzen dira eta administrazio publiko bakoitzari dagozkion zer eginak zehaztu dira.

Eskubide eta eginbehar horien artean GLL, Gizarte Larrialditarako Laguntzak daude. Hauen bidez, herritar askok behar beharrezkoak dituzten gaiak ordaintzeko laguntza jasotzen dute, hala nola, etxebizitzaren alokairua, elikagaiak, jantzeko arropa, etab. Laguntza honen arduraduna Eusko Jaurlaritza da eta udaletako gizarte zerbitzuen bidez banatzen dira beharra duten herritarren artean.

Gizarte-larrialdietarako laguntzak ez dira aldizkakoak, dirutan ematen dira (subentzio moduan). Gizarte-bazterkeriarik gerta ez dadin edo halako bazterkeriak konpontzeko behar beharrezkoak diren gastuak ordaintzeko nahiko baliabiderik ez dutenentzako dira, eta berdin du dena delako gastua arrunta edo ez-ohikoa den.

Azken urteetan, herritarren beharrak handitzen joan ahala diru funts honen zenbatekoa ez da nahikoa izatera iristen. Jaurlaritzak aurreikusten dituen partidekin ez da urte guztirako emaria bermatzen. Iaz uda iristerako agortu zen Jaurlaritzak funtzio hauetarako aurreikusia zuen partida. Aitzitik, Gipuzkoako udalek euren gain hartu behar izan zuten laguntza horren zama Gasteizko aurrekontua amaitutakoan.

Onuradunak gero eta gehiago direla jakina da gainera, eta hau horrela izanda ere, baldintzak asko zorrotzu dira:

- 8.000 €ko ondarea baino handiagoa dutenek ez dute gizarte-larrialdietarako laguntzak jasotzeko eskubiderik (orain artean, gehienezko ondarea 40.000 €koa zen).
- Ezin da gizarte-larrialdietarako laguntzarik eskatu, aurretiazko zorpetze gastuak estali ahal izateko.
- Ohiko etxebizitza erosteko kredituen interesak eta amortizazioak ordaintzeko GLLak gehienez 12 hilabetetan zehar jaso ahal dira, nahiz eta orain arte ez zegoen horretarako epe jakinik finkatuta.

2013. urtean Gizarte Larrialditarako Laguntzarako Eusko Jaurlaritzaren ekarpena 40.272,59 euroakoa izan zen. Maiatzerako jada dena agortuta zegoen eta egoera honek eragin zuen aurtengo Gizarte Larrialditarako Laguntzarako irizpideak zorrotzu behar izateak.

Hau dena kontutan harturik, Lezoko Udalak, mozio honen bidez:

-“Gizarte Larrialdietarako Laguntza” izeneko diru laguntzaren beharrezkotasuna onartzen du, beraren bidez gizarte kohesioa sustatu eta oinarrizko giza eskubideak bermatzen laguntzen dutelako.

-Eusko Jaurlaritzaren GLLei dagokien diru ekarpena, herritarrek dituzten beharrak asetzeko adinakoa izan behar dela eskatzen du.

-Mozio honen berri Eusko Jaurlaritzako Enplegu eta Gizarte Politiken departamendu eta sailburuari, Lehendakaritzari, Ogasun eta Finantza departamendu eta sailburuari eta Gipuzkoako Foru Aldundiko Gizarte Politika departamendu eta diputatuari ematea adosten du.

Lezón , 2014eko Azaroaren 27ean